



Pilersuisoq

1. Februar 2017 - Suliffimmini ukiut 25-nngorlugit Aviaja Ikila Abelsenip nalliuttorsiorneranut atatillugu Tunumi Pilersuisup pisiniarfiinut tuniniaanermut pisortap, Tasiilamilu Pilersuisumut pisortaasup, Martha Mikaelsenip, oqalugiaataa.

Maanga tamassi isersimasusi tikilluaquassi Aviaja Ikila Abelsen nalliutorsiutiginerani.

Maava damatsi isertsimalisi digidduaquatsi Aviaja Ikila Abelsen-ip naddiuddortsiornerngani.

Minnerunngitsumik nuannaarutigalugu tikilluaquakka Aviajap qanigisai ilisarimasaalu.

Migiliingitsimi nuannaarnguliivarnga digidduaquddunguddu Aviaja-p qaningisaa ilisangisimalaaddi.

Maani katersuunnitsinni tunngavippud tassa Aviaja ullumikkorpiaq ukiuni 25-ni sulisimanera nalliutorsiutigalugu malunnartinniaratsigu.

Maani kalertsiiniddinni dunngaviivarpud dadda Aviaja uddumikkorpiar ugiini 25-ni tsulisimanernga naddiuddortiiliiddungu malinnardinniarniangdingi

Siullermik Aviaja ukiini 25-ni sulisimaninnik pilluarit.

Aviaja inunngorpoq Gentoftimi 17. Juli 1973. Sulinermut atatillugu maani Pilersuisoq Tasiilami oqaluttuassartaqaraluaqisoq, naatsumik ima ilisaritilaassavara.

Aviaja inunngorpor Gentoftimi juli 17-niani 1973-mi. Tsulinermu alaliddungu maani Pilersuisoq Tasiilami oralidduatsardararngalivariler naatsimi iminna ilisarngililaatsavarnga.

Aggustip aallaqqaataani 1990 ilinniartunngorpoq KNI-mi. Ilinniartuunermini makku aqqusaarsimavaat bilitsilerineq, allakkerivilerineq, filatilia, bygderegnskab, bank, allatsitut, vareregnskabilu suliaanut ilaasimapput. Ilinniarnini naammassivaa juni 1994, takutitsilluarsimaqigamilu ingerlaannartumik atorfinitsinneqarpoq assistentitut.



Pilersuisoq

Aggustip aaddaqaalaani 1990-mi ilinniardunngorpor KNI-mi. Ilinniarduunermini makkiva aqusaartimavaad bilitsilerineq, addakkerngivilerninger, filatilia, bygderegnskab, bank, addaddor, vareregnskabid damakkiva damasa tsuliaani ilaasimappud.

Ilinniarnini naammatsivaa 1994-mi juuni-mi dagilitsidduardartsimanermini eerdaannar alerpiniddinnerartsimavoq assistentilu.

Januar 1996-miit 2004 tungaanut controleriullunilu, regnskabimi atorfeqarpoq. Saniatigullu afdelingslederit taartaasarluni.

2005 atorfirmik allamik misileerusulerluni Kommunimi atorfinippoq, qujanartumilli Pilersuisoq nuannarinerullugu paasivaa uteqqillunilu januar 2007-mi.

2005 alerpimmi addami misileerngusudduni Kommune-mi alerpinippor, qujanardimiddi Pilersuisoq nuannarngiliiddungu paasivaa uleqqiddinili januar 2007-mi.

Anstaltbetjentit ilinnialerusulerluni september 2012 qimaqqippaatigut, qujanarujussuarlu paasilluarpaa Pilersuisoq qimassinnaanagu, taamaasilluni.

- Anstaltbetjentilu ilinniarnigusulernini pitsuliiddungu september 2012 qimaqqippaalingi, qujanardimiddi paaseqqippaa Pilersuisoq qimatsinnaanangi

1. december 2012 tullersortit atorfinippoq ulloq manna tikillugu suliffigisaminik.

1. December 2012 duddertsordilu alerpinippor ullor manna digiddungu tsulippiilamii.

2012-mi atorfinitsippara taamani upperigakku siunissami maani Pilersuisumi iluaqutaalluarnissaa.

2012-mi Aviaja alerpiniddipparnga uppiingakku tsiunitsami maani Pilersuisoq-mi iluarulaangimaardeq

Siuarsarusuttuunini takutippaa ingerlalluaqaluni massakut Niivertunngorniarluni ilinniartuunermigut.



Pilersuisoq

**Aviaja tsuartsaarngusudduunini dagilippaa eerdadduardini damadda
Niivertungorniarnermii**

Nuannaarutigivarput Aviaja suliffimminut tunniusimalluinnarluni piffissamik ataqqinnilluinnarluni sulinini ingerlattuarsimmagu. Suliassanut tamatigoortuugami pisiniarfimmi atorluarneqaqaaq.

**Nuannaarnguliivarpud Aviaja tsulippimmii dunniitimadduardini pippitsami
alaqqinnidduardini tsulinini eerdadduartimmangi tsuliatsani
tamalingoorduugami pisiniarpimmi alerduarnerardaraar**

Aviaja tatigineqarluni ataqqineqarlunilu suleqataavoq. Naak ilaatigut suliffik ilungersunartaraluartoq, tamanna aporfigineq ajorpaa, taamaalilluni suleqatiminit naluneqanngilaq pisinnaatilluni naatsorsuutigineqarsinnaajuarluni. Suliffini nuannareqigaa nalunangilaq, aammami suliffik Pilersuisoq nuannersorpasuarunik imaqarami.

**Aviaja dalinginerardini alaqqinerardinili tsuleralaaor. Naa ilaasingi tsulippi
ilungertsunardarngaliva, damakkiva aporpiiner ajerpaad, taamaalidduni
tsuleqalimii nalineranngilar pisinnaalidduni
naatsortsuuliinerartinnaajuardini. tsulippini nuannarngingaa nalinanngilar,
aammami tsulippi Pilersuisoq kajiminnarderpaddivagajinni imararmad.**

Pinngitsoorusunngilanga Aviajap ilaqtai ilissi immikkut qujaffigissallusi, arlalippassuariarlusi piffissami sivirusumi sulinermini peqanngittarneranik. Naammagittarlusi tapersersuillusillu pisarnersi Pilersuisumi maluginngitsoorneq ajornaqaq, tamatumunngalu qujangaarluta.

**Pinngitsoortinnaangilakka Aviajap ilarulaadiad ilitsi imikki
qujappeerngusuppatsi, nalinngilanga ardalippaddivagajinni pippitsami
tsivisiimi tsulinermini perangiddarnerngani. Naammangiddardisi
dapertsertsuidduadisili pilarnerti Pilersuisuminngaanii
malinginiangitsuungilarpud ,damanna Pilersuisuminngaanii qujatsuliivarpud.**

Qanerdi uddor manna kajiminnardimi ilarulangiiddisi alerduarniaasii.

Aviaja Ikila Abelsen ukiuni 25-ni nalliuttorsiornerani Pilersuisumiit pilluaqqarput.